



弘化  
改正

古文前集

下

~ 16
378
3





4/3  
3

門外抄 16  
378

魁本大字諸儒箋解古文眞寶卷之下前集

○歌類

大風歌

漢高祖

大風起兮雲飛揚威加海內兮歸故鄉安得猛

士兮守四方

襄陽歌

李太白

落日欲沒峴山西倒著接羅花下迷襄陽小兒

齊拍手攔街爭唱白銅鐃傍人借問笑何事笑

公比大正 古文前集下

素多佳





殺山翁醉似泥鷓鴣杓鸚鵡杯百年三萬六千  
日一日須傾三百杯遙看漢水鴨頭綠恰似蒲  
萄始醱醅此江若變作春酒壘翅便築糟丘臺  
千金駿馬換小妾笑坐彫鞍歌落梅車傍側掛  
一壺酒鳳笙龍管行相催咸陽市上嘆黃犬何  
如月下傾金罍君不見晉朝羊公一片石龜龍  
糾落生莓苔淚亦不能爲之墮心亦不能爲之  
哀清風明月不用一錢買玉山自倒非人推舒

州杓力士鑑李白與爾同死生襄陽雲雨今安  
在江水東流猿夜聲

飲中八仙歌

杜子美

知章騎馬似乘船眼花落井水底眠汝陽三斗  
始朝天道逢麴車口流涎恨不移封向酒泉左  
相日興費萬錢飲如長鯨吸百川銜盃樂聖稱  
避賢宗之瀟灑美少年舉觴白眼望青天皎如  
玉樹臨風前蘇晉長齋繡佛前醉中往往愛逃



禪李白一斗詩百篇長安市上酒家眠天子呼  
來不上船自稱臣是酒中仙張旭三盃草聖傳  
脫帽露頂王公前揮毫落紙如雲煙魚遂五斗  
方卓然高談雄辨驚四筵

醉時歌

杜子美

諸公衮衮登臺省廣文先生官獨冷甲第紛紛  
厭梁肉廣文先生飯不足先生有道出羲皇先  
生有才過屈宋德尊一代常坎軻名垂萬古知

何用杜陵野老人更嗤被褐短窄鬢如絲白糴  
太倉五升米時赴鄭老同襟期得錢卽相覓沽  
酒不復疑忘形到爾汝痛飲真吾師清夜沉沉  
動春酌燈前細雨簷花落但覺高歌有鬼神焉  
知餓死填溝壑相如逸才親滌器子雲識字終  
投閣先生早賦歸去來石田茅屋荒蒼苔儒術  
於我何有哉孔丘盜跖俱塵埃不須聞此意慘  
愴生前相遇且銜盃



徐卿二子歌

同

君不見徐卿二子生絕奇感應吉夢相追隨孔  
 子釋氏親抱送並是天上麒麟兒大兒九齡色  
 清徹秋水為神玉為骨小兒五歲氣食牛滿堂  
 賓客皆回頭吾知徐公百不憂積善衮衮生公  
 侯丈夫生兒有如此二雛者名位豈肯卑微休  
 戲題王宰畫山水歌  
 十日畫一水五日畫一石能事不受相促迫王

戲題王宰畫山水歌

同

宰始肯留真跡壯哉崑崙方壺圖挂君高堂之  
 素屏巴陵洞庭日本東赤岸水與銀河通中有  
 雲氣隨飛龍舟人漁子入浦叙山木盡亞洪濤  
 風尤工遠勢古莫比咫尺應須論萬里焉得并  
 州快剪刀剪取吳松半江水  
 茅屋為秋風所破歌  
 同

八月秋高風怒號卷我屋上三重茅茅飛度江  
 西江郊高者挂縞長林梢下者飄轉沉塘坳南



村群童欺我老無力。忍能對面為盜賊。公然抱  
茅入竹去。唇焦口燥呼不得。歸來倚杖自歎息。  
俄頃風定雲黑色。秋天漠漠向昏黑。布衾多年  
冷似鐵。嬌兒惡臥踏裏裂。床床屋漏無乾處。雨  
脚如麻未斷絕。自經喪亂少睡眠。長夜沾濕何  
由徹。安得廣廈千萬間。大庇天下寒士俱歡顏。  
風雨不動安如山。嗚呼何時眼前突兀見此屋。  
吾廬獨破受凍死亦足。

觀聖上親試貢士歌

王元之

天王出震寰宇清。奎星燦燦昭文明。詔令郡國  
貢多士。大張一網羅群英。聖情孜孜終不倦。日  
斜猶御金鑾殿。宮柳低垂三月煙。爐香飛入千  
人硯。麻衣皎皎光如雪。一一重瞳親鑒別。孤寒  
得路荷君恩。聚首皆言盡臣節。小臣蹤迹本塵  
泥。登科曾賦御前題。屈指方經五六載。如今已  
上青雲梯。位列諫官無一語。自愧將何報明主。



應制非才但淚垂強作狂歌舜禹

畫山水歌

吳融

良工善得丹青理輒向茅茨畫山水地角移來  
方寸間天涯寫在筆鋒裏日不落兮月長生雲  
片片兮水泠泠經年蝴蝶飛不去累歲桃花結  
不成一片石數株松遠又淡近又濃不出門庭  
三五步觀盡江山千萬重

短檠歌

韓退之

長檠八尺空自長短檠二尺便且光黃蘆綠幕  
朱戶閉風露氣入秋堂涼裁衣寄遠淚眼暗搔  
頭頻挑移近床大學儒生東魯客二十辭家來  
射策夜書細字綴語言兩目昏頭雪白此時  
提絜當案前看書到曉那能眠一朝富貴還自  
恣長檠高張照珠翠吁嗟世事無不然墻角君  
看短檠棄

浩浩歌

馬子才



浩浩歌。天地萬物如吾何。用之解帶食大倉。不用拂枕歸山阿。君不見渭川漁父一竿竹。莘野耕叟數畝禾。喜來起作商家霖。怒後便把周王戈。又。不見子陵橫足加帝腹。帝不敢動豈敢訶。皇天爲恫逼星宿。相擊摩河憐相府。癡邀請先經過。浩浩歌。天地萬物如我何。屈原枉死汨羅水。夷齊空餓西山坡。丈夫犖犖不可羈。有身何用自滅磨。吾觀聖賢心。自樂豈有他。蒼生如命

窮。吾道成蹉跎。直須爲弟天下人。何必嫌恨傷丘軻。浩浩歌。天地萬物如吾何。玉堂金馬在何處。雲山石室高嵯峨。低頭欲耕地。雖少仰面長嘯天。何多請君醉我。一斗酒。紅光入面春風和。七夕歌。張文潛

人間一葉梧桐飄。暮收行秋回斗杓。神宮召集殺靈鵲。直度銀河橫作橋。河東美人天帝子。機杼年年勞玉指。織成雲霧紫綃衣。辛苦無歡容



不理帝憐獨居無與娛。河西嫁與牽牛夫。自從  
 嫁後廢織紵。綠鬢雲鬟朝暮梳。貪歡不歸天帝  
 怒。責歸卻踏來時路。但令一歲一相見。七月七  
 日橋邊渡。別多會少知奈何。卻憶從前歡愛多。  
 匆匆萬事說不盡。玉龍已駕隨義和。河邊靈官  
 催曉發。令嚴不肯輕離別。便將淚作雨。滂沱淚  
 痕有盡愁無歇。我言織女君莫歎。天地無窮會  
 相見。猶勝嫦娥不嫁人。夜夜孤眠廣寒殿。

茶歌

盧仝

日高丈五睡正濃。軍將扣門驚周公。口傳諫議  
 送書信。白絹斜封三道印。開緘宛見諫議面。首  
 閱月團三百片。聞道新年入山裏。蟄虫驚動春  
 風起。天子須嘗陽羨茶。百草不敢先開。花仁風  
 暗結珠蓓蕾。先春抽出黃金芽。摘鮮焙芳旋封  
 裹。至精至好且不奢。至尊之餘合王公。何事便  
 到山人家。柴門反關無俗客。紗帽籠頭自煎喫。



碧雲引風吹不斷。白華浮光凝碗面。一碗喉吻  
 潤。二碗破孤悶。三碗搜枯腸。惟有文字五千卷。  
 四碗發輕汗。平生不平事。盡向毛孔散。五碗肌  
 骨清。六碗通仙靈。七碗喫不得也。唯覺兩腋習  
 習清風生。蓬萊山在何處。玉川子乘此清風欲  
 歸去。山上群仙司下土。地位清高隔風雨。安知  
 百萬億蒼生。命隨顛崖受辛苦。便從諫議問蒼  
 生。到頭合得蘓息否。

菖蒲歌

謝疊山

有石奇峭天琢成。有艸夭夭冬夏青。人言菖蒲  
 非一種。上品九節通仙靈。異根不帶塵埃氣。孤  
 操愛結泉石盟。明窓淨几有宿契。花林草砌無  
 交情。夜深不嫌清露重。晨光疑有白雲生。嫩如  
 秦時童女登蓬瀛。手攜綠玉杖。徐行瘦如天台  
 山上賢聖僧。休糧絕粒孤鶴形。勁如五百義士  
 從田橫。英氣凜凜磨青冥。清如三千弟子立孔



庭回琴點瑟天機鳴堂前不入紅粉意席上嘗  
聽詩書聲怪石篠蕩皆充貢此物舜廊當共登  
神農知己入本草靈均蔽賢遺騷經幽人耽翫  
發仙興方士服餌延脩齡絲鸞紫鳳琪花苑赤  
虬玉麟芙蓉城上界真人好清淨見此靈苗當  
大驚我欲攜之朝大清瑤草不敢專芳馨玉皇  
一笑留香案錫與有道者長生人間千花萬草  
儘榮艷未必敢與此草爭高名

石鼓歌

韓退之

張生手持石鼓文勸我試作石鼓歌少陵無人  
謫仙死才薄將奈石鼓何周綱陵遲四海沸宣  
王憤起揮天戈大開明堂受朝賀諸侯劍佩鳴  
相磨蒐于岐陽騁雄俊萬里禽獸皆遮羅鐫功  
勒成浩萬世鑿石作鼓墮嵯峨從臣才藝咸第  
一簡選譔刻留山阿雨淋日炙野火燒鬼物守  
護煩搗訶公從何處得紙本毫髮盡備無差訛



辭嚴義密讀難曉。字體不類隸與科。年深豈免  
有缺畫快劍斫斷生蛟鼉。鸞翔鳳翥衆仙下。珊  
瑚碧樹交枝柯。金繩鐵索鎖紐壯。古鼎躍水龍  
騰梭。陋儒編詩不收入。二雅褊迫無委蛇。孔子  
西行不到秦。拊捩星宿遺羲娥。嗟余好古生苦  
晚。對此涕淚雙滂沱。憶昔初蒙博士徵。其年始  
改稱元和。故人從軍在右輔。為我量度掘臼科。  
濯冠沐浴告祭酒。如此至寶存豈多。瘡包席裹

河立致十鼓。只載數駱駝。薦諸大廟北。郛門光  
價豈止百倍過。聖恩若許畱大學。諸生講解得  
切磋。觀經洪都尚填咽。坐見舉國來奔波。剡苔  
剔蘚露節角。安置妥帖平不頗。大廈深簷與蓋  
覆。經歷久遠期無他。中朝大官老於事。詎肯感  
激徒媿嬰。牧童敲火牛礪角。誰復著手為摩挲。  
日銷月鑠就埋沒。六年西顧空吟哦。羲之俗書  
趨姿媚。數紙尚可博白鵝。繼周八代爭戰罷。無



人叔拾理則那方今太平日無事柄用儒術崇  
丘軻安能以此上論列願借辯口如懸河石鼓  
之歌止於此嗚呼吾意其蹉跎

後石鼓歌

蘇子瞻

冬十二月歲辛丑我初從政見魯叟舊聞石鼓  
今見之文字鬱律蛟蛇走細觀初以指畫肚欲  
讀嗟如箝在口韓公好古生已遲我今况又百  
年後強尋偏旁推點畫時得一二遺八九我車

既攻馬亦同其魚維鯁貫之柳古器縱橫猶識  
罍衆星錯落僅名斗模糊半已似癡牴詰曲猶  
能辨跟肘娟娟缺月隱雲霧濯濯嘉禾秀根莠  
漂流百戰偶然存獨立千載誰與友上追軒頡  
相唯諾下挹冰斯同敷教憶昔周宣歌鴻鴈當  
時籀史變蝌蚪厭亂人方想聖賢中興天為生  
耆苟東征徐虜鬪虓虎北伐犬戎隨指喉象胥  
雜還貢狼鹿方召聯翩賜圭卣遂因鼙鼓思將



師シ豈ア爲ニ考カウ擊キキ頌ソウ賤ゼン何ナニ人ヒト作シ頌ソウ此コノ崧ソウ高カウ萬マン古コ斯ス  
文ブン齊シ响キョウ嶮キョウ勳クン勞ラウ至シ大ダイ不フ矜シヨウ伐バツ文ブン武ブ未ミ遠エン猶ユウ忠チュウ孝コウ  
欲ヨク尋ジン年ネン代ダイ無ム甲カウ乙イ豈ア有ユ文モン字ジ記キ誰タレ某ケル自ヨリ從シヨウ周シウ衰サイ  
更カヘ七シチ國クニ竟ツク使シ秦シン人ヒト有ユ九ク有ユ掃ソウ除チ詩シ書ショ誦ソウ法ホフ律リツ投トウ  
棄キ俎ソウ豆トウ陳チン鞭ベン杻チウ當トウ年ネン何ナニ人ヒト佐ソ祖ソ龍リョウ上ジョウ蔡サイ公コウ子シ牽ケン  
黃ワウ狗コウ登トウ山サン刻キツ石シツ頌ソウ功コウ烈リツ後ゴ者モノ無ム繼ケイ前ゼン無ム偶オウ皆ケ云ン  
皇ワウ帝テイ巡シン四シ國クニ蹙ソク滅メツ彊キョウ暴ボウ救ク黔ケン首シュ六リク經ケイ既キ已ニ委イ灰カイ  
塵ジン此コノ鼓コ亦モト當トウ隨ジ擊キキ播ハク傳デン聞ケン九ク鼎テイ淪リン泗シ上ジョウ欲ヨク使シ萬マン

夫フ沉シツ水スイ取トウ暴ボウ君クン縱ジュウ欲ヨク窮キョウ入ジュ力リキ神シン物ブツ義ギ不フ汙ウ秦シン垢コウ  
是コト時トキ石シツ鼓コ何ナニ處トコロ避ヒ無ム乃シテ天テン工コウ令キョウ鬼キ守シ興キョウ亾ウ百ヒャク變ベン  
物モノ自ヨリ閑カン富フ貴キ一イツ朝テウ名ナ不フ朽コウ細シ思シ物モノ理リ坐サ歎タン息シツ人ジン  
生セイ安アン得トク如ニ女メ壽シウ

長恨歌

白樂天

漢カン皇ワウ重ジュウ色シツ思シ傾ケイ國クニ御ミ宇ウ多タ年ネン求モト不フ得トク楊ヤウ家カ有ユ女メ  
初ハツ長チヤウ成セイ養ヤウ在シ深シ閨ケイ人ヒト未ミ識シ天テン成テイ麗レイ質シツ難ナン自ヨリ棄シ一イツ  
朝テウ選セン在シ君クン王ワウ側ソバ回クワ頭トウ一イツ笑セウ百ヒャク媚メイ生シ六リク宮クウ粉フン黛タイ無ム

此  
文  
前  
集  
下  
三



顏色春寒賜浴華清池。溫泉水滑洗凝脂。侍兒  
扶起嬌無力。始是新承恩澤時。雲鬢花顏金步  
搖。芙蓉帳暖度春宵。春宵苦短日高起。從此君  
王不準朝。承歡侍宴無閑暇。春從春遊夜專夜。  
後宮佳麗三千人。三千寵愛在一身。金屋粧成  
嬌侍夜。玉樓宴罷醉和春。姊妹兄弟皆列士。可  
憐光彩生門戶。遂令天下父母心。不重生男重  
生女。驪宮高處入青雲。仙樂風飄處處聞。緩歌

漫舞凝絲竹。盡日君王看不足。漁陽鼙鼓動地  
來。驚破霓裳羽衣曲。九重城闕煙塵生。千乘萬  
騎西南行。翠華搖搖行復止。西出都門百餘里。  
六軍不發無奈何。宛轉蛾眉馬前死。花鈿委地  
無人收。翠翹金雀玉搔頭。君王掩面救不得。回  
首血淚相和流。黃埃散漫風蕭索。雲棧縈紆登  
劍閣。峨眉山下少人行。旌旗無光日色薄。蜀江  
水碧蜀山青。聖主朝朝暮暮情。行宮見月傷心

白居易長恨歌



色夜雨聞鈴腸斷聲天旋地轉  
踏不能去馬嵬坡下泥土中不見玉顏空死處  
君臣相顧盡沾衣東望都門信馬歸歸來池苑  
皆依舊太液芙蓉未央柳芙蓉如面柳如眉對  
此如何不淚垂春風桃李花開夜秋雨梧桐葉  
落時西宮南苑多秋草宮葉滿階紅不掃梨園  
弟子白髮新椒房阿監青娥老夕殿螢飛思悄  
然孤燈挑盡未成眠遲遲鍾鼓初長夜耿耿星

河欲曙天鴛鴦瓦冷霜華重翡翠衾寒誰與共  
悠悠生死別經年魂魄不曾來入夢臨邛道士  
鴻都客能以精神致魂魄為感君王展轉思遂  
使方士殷勤覓排風馭氣奔如電升天入地求  
之徧上窮碧落下黃泉兩處茫茫皆不見忽聞  
海上有仙山山在虛無縹緲間樓殿玲瓏五雲  
起其中綽約多仙子中有一人字玉真雪膚花  
貌參差是金闕西廡叩玉扃轉教小玉報雙成

仙傳記 卷之四 前集 下 七



聞道漢家天子使九華帳裏夢魂驚攬衣推枕  
起徘徊珠箔銀屏邈迤開雲鬢半偏新睡覺花  
冠不整下堂來風吹仙袂飄飄舉猶似霓裳羽  
衣舞玉容寂寞淚攔干梨花一枝春帶雨含情  
凝睇謝君王一別音容兩渺茫昭陽殿裏恩愛  
絕蓬萊宮中日月長回頭下望入寰處不見長  
安見塵霧唯將舊物表深情鈿合金釵寄將去  
釵留一股合一扇釵擘黃金合金釵但令心似

金鈿堅天上人間會相見臨別殷勤重寄詞詞  
中有誓兩心知七月七日長生殿夜半無人私  
語時在天願作比翼鳥在地願為連理枝天長  
地久有時盡此恨綿綿無絕期

○行類

貧交行

杜子美

翻手作雲覆手雨紛紛輕薄何須數君不見管  
鮑貧時交此道今人棄如土



醉歌行

同

陸機二十作文賦。汝更小年能綴文。總角州書  
 又神速。世上兒子徒紛紛。驂騑作駒已汗血。鷲  
 鳥舉翮連青雲。詞源倒流三峽水。筆陳獨掃千  
 人軍。只今年纔十六七。射策君門期第一。舊穿  
 楊葉真自知。暫蹶霜蹄未為失。偶然擢秀非難  
 取。會是排風有毛質。汝身已見唾成珠。汝伯何  
 由髮如漆。春光淡沲秦東亭。渚蒲芽白水荇青

風吹客衣日杲杲。樹攬離思花冥冥。酒盡沙頭  
 雙玉瓶。衆賓皆醉我獨醒。乃知貧賤別更苦。吞  
 聲躑躅涕淚零。

麗人行

同

三月三日天氣新。長安水邊多麗人。態濃意遠  
 淑且真。肌理細膩骨肉勻。繡羅衣裳照暮春。蹙  
 金孔雀銀麒麟。頭上何所有。翠爲鬋葉垂鬢唇。  
 背後何所見。珠壓腰袂穩稱身。就中雲幕椒房



親賜名大國號與秦紫駝之峯出翠釜水精之  
盤行素鱗犀筋厭飫久未下鑿刀縷切空紛綸  
黃門飛鞚不動塵御厨絡繹送八珍簫鼓哀吟  
感鬼神賓從雜還實要津後來鞍馬何逡巡當  
軒下馬入錦茵楊花雪落覆白蘋青鳥飛去銜  
紅巾炙手可熱勢絕倫慎莫近前丞相嗔

古柏行

同

孔明廟前有老柏柯如青銅根如石霜皮溜雨  
四十圍黛色參天二千尺君臣已與時際會樹  
木猶爲人愛惜雲來氣接巫峽長月出寒通雪  
山白憶昨路繞錦亭東先主武侯同閔宮崔嵬  
枝幹郊原古窈窕丹青戶牖空落落盤踞雖得  
地真真孤高多烈風扶持自是神明力正直元  
因造化功大厦如傾要梁棟萬牛回首丘山重  
不露文章世已驚未辭剪伐誰能送苦心未免  
溶蟻蟻香葉終經宿鸞鳳志士幽人莫怨嗟古

孔明廟前有老柏柯如青銅根如石霜皮溜雨



來材大難爲用

兵車行

同

車麟麟馬蕭蕭行人弓箭各在腰耶孃妻子走  
相送塵埃不見咸陽橋牽衣頓足攔道哭哭聲  
直上千雲霄道旁過者問行人行人但云點行  
頻或從十五北防河便至四十西營田去時里  
正與曩頭歸來頭白還戍邊邊庭流血成海水  
武皇開邊意未已君不聞漢家山東二百州千

村萬落生荆杞縱有健婦把鋤犁禾生隴畝無  
東西泥復秦兵耐苦戰被驅不異犬與雞長者  
雖有問役父敢伸恨且如今年冬未休關西卒  
縣官急索租租稅從何出信知生男惡反是生  
女好生女猶得嫁比隣生男埋沒隨百草君不  
見青海頭古來白骨無入收新鬼煩冤舊鬼哭  
天陰雨濕聲啾啾

洗兵馬行

同



中興諸將收山東捷書夜報清晝同河廣傳聞  
 一葦過胡兒命在破竹中祇殘鄴城不日得獨  
 在朔方無限功京師皆騎汗血馬回紇餒肉蒲  
 萄宮已喜皇威清海岱常思仙仗過崆峒三年  
 笛裏關山月萬國兵馬草木風成王功大心轉  
 小郭相謀深古來少司徒清鑒懸明鏡尚書氣  
 與秋天杏二三豪俊為時出整頓乾坤濟時了  
 東走無復憶鱸魚南飛各有安巢鳥青春復隨

冠冕入紫禁正耐煙花繞鶴駕通宵鳳輦備雞  
 鳴問寢龍樓曉攀龍附鳳勢莫當天下盡化為  
 侯王汝等豈知蒙帝力時來不得誇身強關中  
 既留蕭丞相幕下復用張子房張公一世江海  
 曲身長九尺鬚眉蒼微起適遇風雲會扶顛始  
 知籌策良青袍白馬更何有後漢今周喜再昌  
 寸地尺天皆入貢奇祥異瑞爭來送不知何國  
 致白環復道諸山得銀甕隱士休歌紫芝曲詞



人解撰河清頌。田家望望惜雨乾。布穀處處催  
春種。淇上健兒歸莫懶。城南思婦愁多夢。安得  
壯士挽天河。淨洗甲兵長不用。

入奏行

杜子美

竇侍御驥之子。鳳之雛。年未三十忠義俱骨鯁。  
絕代無烟如一段。清水出萬壑。置在迎風寒露  
之玉壺。蔗漿歸厨金盃凍。洗滌煩熱足以寧君  
軀。政用疎通合典則。戚聯豪貴耽文儒。兵革未

息人未蘇。天子亦念西南隅。吐蕃憑陵氣頗麤。  
竇氏檢察應時須。運糧繩橋壯士喜。斬木火井  
窮猿呼。八州刺史思一戰。二城守邊却可圖。此  
行入奏計未小。密奉聖旨恩宜殊。繡衣春當霄  
漢立。綵服日向庭闈趨。省郎京尹必俯拾。江花  
未落還成都。肯訪浣花老翁無。為君酤酒滿眼  
酤。與奴白飯馬青藜。

高都護駟馬行

同



安西都護胡青驄聲價歛然來向東此馬臨陣  
久無敵與人一心成大功功成惠養隨所致飄  
飄遠自流沙至雄姿未受伏櫪恩猛氣猶思戰  
場利腕促蹄高如踏鐵交河幾蹴層冰裂五花  
散作雲滿身萬里方看汗流血長安壯兒不敢  
騎走過掣電傾城知青絲絡頭爲君老何由却  
出橫門道

去矣行

同

君不見韝上鷹一飽則飛掣焉能作堂上燕銜  
泥附炎熱野人曠蕩無覩顏豈可久在王侯間  
未試囊中滄玉法明朝且入藍田山

苦熱行

王韞

祝融南來鞭火龍火旗燄燄燒天紅日輪當午  
疑不去萬國如在紅爐中五嶽翠乾雲彩滅陽  
侯海底愁波竭何當一夕金風發爲我掃除天  
下熱

七文三  
古文前集  
三



琵琶行

白居易

潯陽江頭夜送客。楓葉荻花秋瑟瑟。主人下馬  
 客在船。舉酒欲飲無管絃。醉不成歡慘將別。別  
 時茫茫江浸月。忽聞水上琵琶聲。主人忘歸客  
 不發。尋聲暗問彈者誰。琵琶聲停欲語遲。移船  
 相近邀相見。添酒回燈重開宴。千呼萬喚始出  
 來。猶抱琵琶半遮面。转轴撥絃三兩聲。未成曲  
 調先有情。絃絃掩抑聲聲思。似訴平生不得志。

低眉信手續續彈。說盡心中無限事。輕攏慢撚  
 撥復挑。初為霓裳後六么。大絃嘈嘈如急雨。小  
 絃切切如私語。嘈嘈切切錯雜彈。大珠小珠落  
 玉盤。間關鶯語花底滑。幽咽泉流水下灘。水泉  
 冷澁絃凝絕。凝絕不通聲暫歇。別有幽愁暗恨  
 生。此時無聲勝有聲。銀瓶乍破水漿迸。鐵騎突  
 出刀鎗鳴。曲終抽撥當心畫。四絃一聲如裂帛。  
 東船西舫悄無言。唯見江心秋月白。沉吟收撥



插絃中。整頓衣裳起。歛容自言。本是京城女。家在蝦蟆陵下住。十三學得琵琶成。名屬教坊第一。部曲罷常教。善才服妝成。每被秋娘妬。五陵年少爭纏頭。一曲紅綃不知數。鈿頭銀篦。擗節碎。血色羅裙翻酒汙。今年歡笑復明年。秋月春風等閑度。弟走從軍阿姨死。暮去朝來顏色故。門前冷落鞍馬稀。老大嫁作商人婦。商人重利輕別離。前月浮梁買茶去。去來江口。守空船。繞

船明月江。水寒夜深忽夢少年事。夢啼粧淚紅闌干。我聞琵琶已歎息。又聞此語重唧唧。同是天涯淪落人。相逢何必曾相識。我從去年辭帝京。謫居臥病潯陽城。潯陽地僻無音樂。終歲不聞絲竹聲。住近湓江地低濕。黃蘆苦竹遶宅生。其間旦暮聞何物。杜鵑啼血猿哀鳴。豈無山歌與村笛。嘔啞嘲哢難為聽。今夜聞君琵琶語。如聽仙樂耳暫明。莫辭更坐彈一曲。為君翻作琵琶



琴行感我此言良久立却坐促絃絃轉急淒淒  
不似向前聲滿座聞之皆掩泣就中泣下誰最  
多江州司馬青衫濕

內前行

唐子西

內前車馬撥不開文德殿下宣麻回紫微舍人  
拜右相中使擢赴文昌臺扈頭昨夜光照牖是  
夕鋒芒如秃帚明朝化作甘雨來官家喜得調  
先手周公禮樂未制作致身姚宋亦不惡我聞

二公拜相年民間斗米三四錢

續麗人行

蘇子瞻

深宮無人春日長沉香亭北百花香美人睡起  
薄梳洗燕舞鶯啼空斷腸畫工欲畫無窮意背  
立春風初破睡若教回首卻嫣然陽城下蔡俱  
風靡杜陵飢客眼長寒蹇驢破帽隨金鞍隔花  
臨水時一見只許腰肢背後看心醉歸來茅屋  
裏方信人間有西子君不見孟光舉按與眉齊



何曾背面傷春啼

莫相疑行

杜子美

男兒生無所成頭皓白牙齒欲落真可惜憶獻

三賦蓬萊宮自怪一日聲輝赫集賢學士如堵

墻觀我落筆中書堂往時文彩動人主此日飢

寒趨路傍晚將未契託年少當面輸心背面笑

寄謝悠悠世上兒不爭好惡莫相疑

虎圖行

王介甫

壯哉非熊亦非貙目光夾鏡當坐隅安尾不畏

逐顧盼欲去仍躊躇卒然一見心為動熟視稍

稍摩其鬚固知畫者巧為此此物安肯來庭除

想當盤礴欲畫時睥睨衆史如庸奴神閑意定

始一掃功與造化論錙銖悲風颯颯吹黃蘆上

有寒雀驚相呼槎牙死樹鳴老鳥向之俛噉如

補雛山墻野壁黃昏後馮婦遙看亦下車

桃源行

同



望夷宮中鹿爲馬。秦人半死長城下。避世不獨  
商山翁。亦有桃源種桃者。一來種桃不記春。采  
花食實枝爲薪。兒孫生長與世隔。知有父子無  
君臣。漁郎放舟迷遠近。花間忽見驚相問。世上  
空知古有秦。山中豈料今爲晉。聞道長安吹戰  
塵。東風回首亦沾巾。重華一去寧復得。天下紛  
紛經幾秦。

今夕行

杜子美

今夕何夕。歲云徂。更長燭。明不可孤。咸陽客舍  
一事無。相與博塞爲歡娛。馮陵大叫呼。五白祖  
跣不肯城。臯盧英雄有時亦如此。邂逅豈卽非  
良圖。君莫笑。劉毅從來布衣願。家無儋石輸百  
萬。

○吟類

古長城吟

王翰

長安少年無遠圖。一生惟羨執金吾。麒麟殿前



拜天子徒馬為君西擊胡胡沙獵獵飲人面漢  
 虜相逢不相見遙聞鐘鼓動地來傳道單于夜  
 猶戰此時顧恩寧顧身為君一行推萬人壯士  
 揮戈回白日單于濺血汗朱輪回來飲馬長  
 窟長城道傍多白骨問之耆老何世人云是秦  
 王築城卒黃昏塞北無入煙鬼哭啾啾聲沸天  
 無罪見誅功不賞孤魂流落此城邊當昔秦王  
 拔劍起諸侯膝行不敢視富國強兵二十年築

怨興徭九千里秦王築城何太愚夫實入秦非  
 北胡一朝禍起蕭牆內渭水咸陽不復都

百舌吟

劉禹錫

曉星寥落春雲低初聞百舌間關啼花枝滿空  
 迷處所搖動繁英墜紅雨笙簧百轉音韻多黃  
 鸝吞聲燕無語東方朝日遲遲升迎風弄影如  
 自矜數聲不盡又飛去何許相逢綠楊路綿蠻  
 宛轉似娛人一人心百舌何紛紛醜顏俠少停歌



聽墮珥妖姬和睡聞河憐光景何時盡誰能低  
同避鷹隼廷尉張羅自不關潘郎挾彈無情損  
天生羽族爾何微舌端萬變乘春輝南方朱鳥  
一朝見索寞無言蒿下飛

梁甫吟

諸葛孔明

步出齊城門遙望蕩陰里里有三墳累累正  
相似問是誰家家田疆古冶氏力能排南山文  
能絕地理一朝被讒言二桃殺三士誰能為此

謀相國齊晏子

○引類

丹青引

杜子美

將軍魏武之子孫於今為庶為清門英雄割據  
雖已矣文彩風流今尚存學書初學衛夫人但  
恨無過王右軍丹青不知老將至富貴於我如  
浮雲開元之中常引見承恩數上南薰殿凌烟  
功臣少顏色將軍下筆開生面良相頭上進賢



冠猛將腰間大羽箭。褒公鄂公毛髮動。英姿颯  
爽來酣戰。先帝天馬玉花驄。盡工如山貌不同。  
是日牽來赤墀下。迥立闔闔生長風。詔謂將軍  
拂絹素。意匠慘澹經營中。斯須九重真龍出。一  
洗萬古凡馬空。玉花却在御榻上。榻上庭前屹  
相向。至尊含笑催賜金。圍人大僕皆惆悵。弟子  
韓幹早入室。亦能畫馬窮殊相。幹惟畫肉不畫  
骨。忍使驂駟氣凋喪。將軍畫善蓋有神。必逢佳

士亦寫真。卽今漂泊干戈際。屢貌尋常行路人。  
途窮返遭俗眼白。世上未有如公貧。但看古來  
盛名下。終日坎壈纏其身。

桃竹杖引

同

江心蟠石生桃竹。蒼波噴浸尺度足。斬根削皮  
如紫玉。江妃水仙惜不得。梓潼使君開一束。滿  
堂賓客皆歎息。憐我老病贈兩莖。出入爪甲鏗  
有聲。老夫復欲東南征。乘濤鼓枻白帝城。路幽



必爲鬼神奪杖。劍或與蛟龍爭，重爲告曰：杖兮杖兮，爾之生也甚正直，慎勿見水，踴躍學變化。爲龍使我不得爾之扶持，滅跡於君山湖上之青峰。噫，風塵瀕洞兮，豺虎咬人，忽失雙杖兮，吾將曷從。

韋諷錄事宅觀曹將軍畫馬圖引 同

國初已來，盡鞍馬神妙，獨數江都王將軍得名。三十載，人間又見真乘黃，曾貌先帝照夜白龍。

池十日飛霹靂，內府殷紅馬。腦盤婕妤傳詔才，人索盤賜將軍拜舞歸。輕紈細綺相追飛，貴戚權門得筆跡。始覺屏障生光輝，昔日太宗拳毛騮，近時郭家師子花。今之新圖有二馬，復令識者久歎嗟。此皆騎戰一敵萬，縞素漠漠開風沙。其餘七匹亦殊絕，迥若寒空動煙雪。霜蹄蹴踏長楸間，馬官廝養森成列。可憐九馬爭神駿，顧視清高氣深穩。借問苦心愛者誰，後有韋諷前



支遁憶昔巡幸新豐宮。翠華拂天來向東。騰驤  
磊落三萬匹。皆與此圖筋骨同。自從獻寶朝河  
宗。無復射蛟江水中。君不見金粟堆前松柏裏。  
龍媒去盡鳥呼風。

○曲類

明妃曲

王介甫

明妃初出漢宮時。淚濕春風鬢脚垂。低回顧影  
無顏色。尚得君王不自持。歸來却怪丹青手。入

眼平生未曾有。意態由來畫不成。當時枉殺毛  
延壽。一去心知更不歸。可憐著盡漢宮衣。寄聲  
欲問塞南事。只有年年鴻鴈飛。佳人萬里傳消  
息。好在檀城莫相憶。君不見咫尺長門閉阿嬌。

明妃曲

同

明妃出嫁與胡兒。羶車百兩皆胡姬。含情欲語  
獨無處。傳與琵琶心自知。黃金捍撥春風手。彈  
看飛鴻勸胡酒。漢宮侍女暗垂淚。沙上行人却



回首漢恩自淺胡自深人生樂在相知心可憐  
青冢已蕪沒尚有哀絃留至今

明妃曲

歐陽永叔

漢宮有佳人天子初未識一朝隨漢使遠嫁單  
于國絕色天下無一失難再得雖能殺盡工於  
事竟何益耳目所及尚如此萬里安能制夷狄  
漢計成已拙女色難自誇明妃去時淚洒向枝  
上花狂風日暮起飄泊落誰家紅顏勝人多薄

命莫怨春風當自嗟

明妃曲和王介甫

歐陽永叔

胡人以鞍馬為家射獵為俗泉甘草美無常處  
鳥驚獸駭爭馳逐誰將漢女嫁胡兒風沙無情  
面如土身行不遇中國人馬上自作思歸曲推  
手為琵琶却手琵琶胡人共聽亦咨嗟玉顏流落  
天涯琵琶却傳來漢家漢宮爭按新聲譜遺恨  
已深聲更苦纖纖女手生洞房學得琵琶不下



堂不識黃雲出塞路。豈知此聲能斷腸。

塞上曲

黃魯直

十月北風燕草黃。燕人馬肥弓力強。虎皮裁鞍

鵬羽箭。射殺山陰雙白狼。青氊帳高雪不濕。擊

鼓傳觴。令行急我王。半醉擁貂裘。昭君猶抱琵琶泣。

琵琶泣

烏棲曲

李太白

姑蘇臺上烏棲時。吳王宮裏醉西施。吳楚歌舞

歡未畢。青山猶啣半邊日。銀箭金壺漏水多。起

看秋月。墜江波。東方漸高奈爾何。

魁本大字諸儒箋解古文真寶卷之下 前集尾



弘化三丙午年成刺



書

須原屋茂兵衛

山城屋佐兵衛

江戸

英 大助

須原屋伊八

岡田屋嘉七

肆

秋田屋太右衛門

勝村治右衛門

大坂

皇京



